

Communicaziun a las medias dals 18 da november 2025

La BCG vegn undrada sco ina da las meglras bancas svizras

En il studi da Retail Banking IFZ actual da la Scola auta da Lucerna (HSLU) è la Banca Chantunala Grischuna (BCG) vegnida undrada la tschintgavla giada en fila sco meglra banca da la Svizra en sia categoria da grondezza.

Per eruir la rangaziun ha il team da perscrutaziun da la HSLU examinà las bilantschas dal 2020 fin il 2024 da 91 bancas svizras sa basond sin nov cifras distinctivas. En la categoria dals pli gronds instituts da finanzas cun ina summa da bilantscha da passa 25 milliardas francs è la BCG vegnida sin l'emprim plaz ed è uschia gia per la tschintgavla giada en fila la meglra banca dal pajais. En la rangaziun generala è la BCG sin il sisavel plaz.

Per il CEO Daniel Fust è il success a lung temp da la BCG ina conferma per la basa robusta da la banca: «Il resultat da la BCG ch'è danovamain excellent mussa il svilup positiv e persistent da la BCG ils ultims onns. Il resultat mussa era la fermezza da noss model da fatschenta cun sias pitgas en la fatschenta da tschains, d'investiziuns e da provediment.»

Il studi da Retail Banking IFZ da la Scola auta da Lucerna examinescha dapi 14 onns il stadi, il svilup ed ils facturs da success da las bancas che s'orienteschan sin il martgà svizzer. L'ediziun actuala analisescha ils puncts da contact da la banca cun la clientella e la rolla da las filialas ed entra pli profundamain en il tema da las investiziuns e dal provediment. Ultra da quai mussa il studi ils indicaturs da finanzas da las bancas da retail e cumpiglia in'analisa da corporate governance cumplexsiva. Ulteriuras infurmaziuns chattais Vus sin: hslu.ch/retailbanking.

Contact:

Thomas Müller, thom.mueller@gkb.ch, telefon +41 81 256 83 11

Gianna Meier, gianna.meier@gkb.ch, telefon +41 81 256 83 25

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa è represchentada en tut las regiuns dal Grischun. Cun passa 1'000 collavuraturas e collavuratur è la BCG ina da las pli grondas patrunas en il chantun. Ultra da sias activitads economicas s'engascha ella cun ses sponsoradis, ses fond da contribuziuns, sia collecziun d'art e sia lavur voluntara.

La BCG dispona da participaziuns da maioritad a la Banca privata Bellerive AG ed a l'Albin Kistler AG. Ultra da quai è ella acziunaria unica da la BZ Bank Aktiengesellschaft. Il scrit da participaziun BCG è quots a la bursa dapi il 1985. Al resultat da gestiun 2024 è il chantun Grischun sa participà cun 103.7 milliuns francs incl. l'indemnisaziun per la garanzia statala (report.gkb.ch).

Termins:

Quint annual 2025:

27 da favrer 2026

Radunanza dalas participantas:

9 da matg 2026